

福建續志卷六十五

列女七

泉州府

國朝

節孝

洪氏李蜚碧妻早寡四孤俱幼老姑在堂家無斗儲

洪事育取諸十指荼苦數十年卒

黃氏彭元上妻年二十一而寡矢志事姑以姪爲嗣  
未幾又殤終身守節不渝

吳氏諸生傅嘉祚妻年十九夫歿姑老子方三歲遭

福建續志

卷六十五

列女七

一

亂艱苦守節終身

連氏翁懿宗妻年三十而寡子已娶婦施氏年二十  
八又寡遺腹生孫長娶黃氏生曾孫孫殞曾孫殤  
三寡相依立嗣苦守里人傷之

李益良夫吳天錫贅於其家死氏守志撫遺腹孤遭  
寇亂艱辛全節

李纘娘林構成妻年二十四生子錫奎而構成卒子  
四歲病危氣絕李告舅姑曰未亡人所以不死者  
撫林氏三世一孤今孤歿不能復生矣一慟而殞  
移時錫奎復甦祖父母撫養成立錫奎子琅舉人

林氏謝從可妻夫歿年二十八奉姑撫兒艱苦備至  
年至百歲

洪氏諸生謝燕翼妻年二十六夫省試覆舟死氏欲  
自刎姑止之奉姑以孝課子有成卒年七十二

林恂娘諸生王其萃妻年二十二夫歿撫子年三十  
餘卒撫孫及長又卒遺曾孫二俱幼氏婦并二妾  
孫媳相依茹苦一門五寡守節終身

洪招娘適黃夢星事舅姑及庶姑孝甫育一男而夫  
兄歿從夫命以男繼嗣未幾夫歿招娘年二十三  
遇寇亂抱孤避難備歷艱辛及子成立生孫仍分

福建續志

卷六十五

列女七

二

二支以承夫兄及夫祀置租十石送先主奉祀洪  
氏宗祠年七十二終

楊氏適殷士達夫歿矢志靡他孤弱多病撫之成立  
終身苦節年八十一卒

謝氏陳毓叔妻年二十而寡姑老子幼遭寇艱辛強  
暴有貪產以奪其志者誓死不從族感其節爲立  
券保孤至於長成年八十七卒

許氏陳道標妻年二十九夫歿越兩月生遺腹子嗣  
姪族親利其產勸他適氏矢志不渝姪長娶妻詹  
氏生子陞甫三歲姪又歿零丁孤苦姑媳共守一

孤鞠育保護得以成立陞爲諸生

黃道官陳肇讓妻夫旅卒氏年未三十事舅姑孝撫孤成立九十無疾而卒

王氏姚鳴岳妻年二十八夫歿撫子德基長娶黃氏德基又歿姑媳守節艱苦備至黃氏先卒王氏卒年七十八

徐氏適黃姓年二十二夫歿守志撫孤道超後爲諸生

按府縣志不填夫名亦不言其是妻是妾今仍之存以俟 攷

福建續志

卷六十五

列女七

三

劉氏蘇廷喬妻夫歿事老舅孝撫幼孤成立年九十卒

黃氏孫二舍妻年十四嫁十五寡守彌月子成立

吳氏適葉芳朱年二十八夫歿家貧事舅姑孝撫孤成人後賊掠其孫責賂聞爲吳節婦孫卽釋之卒年九十孫俱遊庠

董春娘年十八歸黃秀觀二年夫歿無子以夫姪承祀死之日一堂五代年九十三卒

李催娘黃引觀妻年二十二夫歿遺子顯週歲家貧採蕨療饑後顯生子又歿氏撫孫成立年九十五

見元孫

廖氏吳心台妻生子惠我甫七月夫歿子長娶黃氏  
又歿姑媳苦守孤孫以雙節著曾孫益球益璋選  
明經益琬舉人知縣

吳氏李世竒妻年二十五夫歿守志撫孤值山海寇  
亂母子保於外家未幾砦毀艱苦備嘗撫孤成立  
李氏吳鐘桂妻早歲夫歿事老姑孝撫二孤長成子  
瑛孫灝及崑俱諸生

陳莽娘林士義妻年十七未婚聞士義病篤趨侍藥  
越三月而歿守志孝事舅姑諷以他適卽欲自縊

福建續志

卷六十五

列女七

四

夫兄以次男方升爲嗣氏拮据撫育方升早歿復  
育其孫苦節數十載

陳氏黃以南妻年二十四夫歿守志撫孤八十三卒  
周氏廖應斗妻年二十四夫與舅姑俱歿氏遺腹彌  
月流離播遷撫孤存嗣繼營窀穸年八十八卒子  
成勳孫震璧俱諸生

留氏年十八適王必盛五月蔡寅寇起仇者引入其  
家殺翁姑夫叔等六人氏潛脫控於官得償取族  
人子爲嗣詹事陳萬策有詩美之

林五娘黃尾長妻年二十二夫歿子英三歲矢志撫

養英卒婦王氏年二十有娠五月育子林探其意  
王泣曰婦知與姑相守耳姑婦雙節孫元凱明翼  
端生俱爲諸生

郭氏陳光京妻進士郭貞一女年二十于歸三月夫  
歿撫孤子英俊爲諸生

陳氏潘烈妻年二十五夫歿家貧一子一姪俱幼氏  
鞠養之各爲娶婦子亡立孫承繼孫亡復立曾孫  
苦節五十年霜操愈厲

官氏吳元柔妻年十七于歸生一男元柔歿氏矢志  
撫孤事孀姑黃氏至孝

福建續志

卷六十五

列女七

五

李氏黃宗澤妻年二十六而寡撫遺腹孤成立

吳氏李光昶繼妻年二十夫歿遺前妻一孤氏撫之  
成人卒年六十六

何氏李鍾倫繼妻晉江人三十而寡克盡婦道文貞  
公光地誌其墓後以子清馥貴 贈宜人

蔡氏彭殿升妻年二十四夫歿母令改適弗從勤紡  
績以事舅姑訓子成人卒年七十

郭氏陳二淑妻年二十三夫歿家貧撫孤成長卒年  
九十四

洪氏王乘龍妻年二十四夫歿守志奉姑姑與夫兄

及妣繼歿所遺姪幼氏撫之無異己子後氏女孫  
嫁夫一年而寡亦守節不變洪卒年七十

李氏諸生林元鳳妻年二十八夫歿子幼守志不移  
卒年七十四

廖氏陳盡觀妻年二十四夫歿子淑方五歲家貧氏  
藉女工以養淑長又死遺一孫姑媳煢煢孀居七  
十餘載卒年九十六

林氏唐兆良妻年二十五夫歿撫孤母家勸改適弗  
聽貧苦守節力耕而食年六十七卒

魏竊娘林長裕妻年二十四夫歿一女方襁庶姑盧

福建續志

卷六十五

列女七

六

氏生子彌月而盧氏卒竊娘棄己女乳之舅姑憐  
其志以從姪考爲嗣二老繼歿經營葬事兼葬其  
夫嗣子考娶婦生二子考歿更守其孫年八十有  
三卒

吳氏進士會芳女李鍾佐妻佐寢疾氏取所嘔血泣  
禱中庭吸而盡之祈以身代聞者酸楚夫旣歿事  
祖姑以孝聞子二清機知縣清植禮部侍郎氏  
贈夫人

陳氏謝維璣妻年二十八夫歿家貧撫孤年七十五  
卒

宋氏許必彬妻年二十三夫歿家貧事舅孝撫幼孤成立

洪勤娘黃鍾禮妻年十九夫歿事舅姑孝撫孤成人七十一卒

詹湛娘年十七歸高其壽踰年夫歿子甫匝月矢志撫養以節終

吳氏王城璧妻年二十四夫歿值海氛派重傾產付夫弟輸納食貧奉姑撫一子成立卒年八十二孫大璋爲諸生

白成娘黃梧妻年十九而寡撫孤存祀守節不渝卒

福建續志

卷六十五

列女七

七

年八十六

李氏施安世妻早寡守志時值流離攜幼孤母家鞠養成長

張氏王寅濟妻年二十三夫歿家貧敬養舅姑撫雙孤有成卒年五十九

莊弁娘詹質樸妻年二十五夫歿守節撫孤卒年五十四

張氏劉昌祉妻年二十三夫歿無子撫兒子爲嗣家貧事舅姑孝卒年五十四

王氏潘揆李妻年二十二夫歿撫遺腹孤良俸康熙

丁酉武舉

吳一娘陳璘妻年二十二夫歿子冕服甫三歲氏矢志守節後冕服長娶婦湯四娘未幾冕服又歿四娘年二十七子方二歲姑婦共撫幼孤孛孛雙節

吳卒年九十二湯卒年六十六

詹菊娘陳熙樸妻年未三十而寡鞠幼子成人卒年七十一

林森娘諸生王立誠妻年二十四而寡事姑孝善撫孤子年七十三卒總戎李日焜獎以詩

李氏劉怡謨妻年二十二夫歿事舅姑孝撫幼孤成

福建續志

卷六十五

列女七

八

立卒年六十一

傅氏李郁文妻年二十五夫歿勤苦守節卒年五十一

翁氏朱維英妻年二十四而寡撫三孤以教以長卒年七十一

黃湊娘莊文中妻年二十六夫歿撫孤成立卒年六十六

傅氏李鍾某妻年二十五夫歿守志存孤卒年六十五

趙氏翁士泰妻年二十二生子振南五月而夫歿撫

孤守志媳白氏亦二十三而寡里人以雙節稱之  
李氏孫文璫妻年二十一夫歿無子撫夫姪爲嗣卒  
年五十一  
郭恚娘鄭榮森妻年二十二夫歿善撫其子娶婦陳  
氏甫生孫子又歿姑婦共守一孫郭氏卒年七十  
三  
洪質娘歸鄭曰智年二十九夫歿家貧伯叔欲嫁之  
剪髮以誓守節撫孤卒年六十三  
顏熟娘歸蘇惟寶十九歲夫歿無子取旁支爲嗣孝  
事老姑卒年五十八

福建續志

卷六十五

列女七

九

曾第娘林光貴妻年十九夫歿孝姑撫子年九十卒  
高丑娘張抱蟾妻年二十而寡無子內外逼嫁氏誓  
與夫同穴豫勒墓石撫姪爲子殤而復立卒年五  
十八

吳氏唐兆清妻年二十五夫歿家貧養姑孝撫孤以  
慈卒年五十八

許氏唐兆經妻年三十夫歿無子以姪爲嗣收夫遺  
書而謹藏之卒年五十餘

陳菊娘黃至吉妻少寡善撫幼子卒年六十七

陳氏胡佛生妻年二十三夫亡事舅姑孝撫遺腹子

長成卒年七十一

陳引娘李喬澤妻年二十三寡家貧守節課子翰寵  
舉明經卒年六十八

白集娘陳一回妻年二十四夫亡母家諷使改志不  
從撫遺腹子成立

黃品娘傅峻妻年二十七夫亡事姑孝撫子瑚爲諸  
生孫其瑛拔貢

林協娘適詹克綿年二十一夫歿撫子國玉長娶官  
氏生子聲遠國玉又歿官年二十六投井殉節家  
人救甦與林共守聲遠苦節以終

福建續志

卷六十五

列女七

十

陳丑娘龔邦穎妻年二十七夫歿事姑孝撫子有成  
葬三喪八十七卒

徐氏李元相妻年二十二夫歿子幼矢志撫孤卒年  
六十四

朱來娘李世杓妻年二十七夫歿撫孤子至娶曾氏  
子又亡曾亦歿氏復撫孫長大卒年六十七

戴氏鄭文齊妻年二十八夫歿紡績撫孤年七十八  
卒

郭勤娘黃秉老妻年二十二夫歿敬事舅姑撫養遺  
孤卒年五十七

楊氏李制卿妻年二十而寡孝事舅姑以姪爲嗣教養爲諸生七十二卒

陳氏鄭希獻妻年二十六夫歿撫幼孤長成卒年七十五

許招娘黃發觀妻年二十夫歿敬事舅姑撫孤子七十二卒

梁氏諸生林沃心妻年二十六夫歿事舅姑孝撫子維新舉人知縣 贈氏孺人

吳氏諸生陳國典妻年二十九夫歿事姑撫子苦節多年

福建續志

卷六十五

列女七

十一

朱氏孫鍾尾妻年二十二而寡孝事舅姑年八十餘卒

葉使娘李鳴鏘妻年二十六而寡撫孤成立卒年八十四

陳氏張賜觀妻孝事舅姑年二十四夫歿家貧歸父家父憫其窮令再適氏泣不從爲夫立嗣撫之

王氏廖士佈妻年二十五夫歿無子孝事舅姑立嗣撫養五十八卒

葉氏許廷吉妻年二十一夫死無子立嗣五十六卒  
謝未娘高昺興妻年二十九夫歿子幼家貧力耕自

食艱苦萬狀竟瞽雙目卒年七十

傅氏劉文泉妻年二十二夫歿撫教嗣子六十餘卒  
蔡拱娘高天生妻年二十六夫歿家貧力撫孤兒卒  
時五十九

洪玉瑛林修聲妻年二十七夫歿孝事舅姑力撫雙  
孤卒年五十一

洪氏諸生李鍾伉妻年二十七而寡事姑孝善訓其  
孤

李氏監生葉廷瑜妻事姑至孝氏年二十一夫歿育  
叔女如同胞葬舅姑撫遺腹子五十二卒

福建續志

卷六十五

列女七

十二

王好娘廖時昂妻年十九而寡事姑孝撫幼子以慈  
五十六卒

劉招娘李樹東妻年二十六夫歿撫孤子有成

洪昶娘林心妻夫愚且戇無怨言夫歿願以女紅撫  
孤服闋外家迎之氏曰我寡守無歸寧理遂終身  
守志

謝淑娘年十六適吳朝寶年二十八夫歿家貧母家  
欲奪其志誓死不從力撫四子

楊氏黃鍾淑妻年十七夫死無子撫姪爲嗣奉姑甚  
孝

劉牽娘官承炳妻夫歿撫孤以節終

林來娘陳士澤妻年二十九夫歿守節撫孤孤天立  
姪爲嗣六十九卒

張熟娘王志遠妻年二十七而寡撫幼孤長成卒年  
七十六

翁靜娘林轟使妻年二十夫歿無子母家諷以他適  
不從孝事舅姑撫姪爲嗣

陳窈娘貢生劉致遠妻年二十一而寡子幼守節以  
終

鄭氏陳芷侯妻事老姑孝年二十三夫亡無子撫姪

福建續志

卷六十五

列女七

十三

爲子子又歿無孫撫從孫爲孫苦節六十餘年

詹氏吳元凱妻年二十八夫歿事姑至孝撫子成立  
殷氏劉文勝妻年二十六夫亡撫子子亡乃撫其孫  
七十五卒

陳氏林肇德妻年二十七夫歿撫遺腹男有成卒年  
七十八

胡純娘林德全妻年二十夫歿撫幼子元捷入泮五  
十三卒

李氏易亨棟妻早寡撫孤敬事舅姑卒年六十  
鄭葉娘李毓尊妻年二十而寡撫孤成立

李氏陳肇莊妻年二十二夫歿家貧無子父母諷之  
嫁截髮自誓力撫嗣子六十五卒

黃氏陳世及妻年二十九夫歿家貧勤苦撫孤六十  
一卒

蔡氏謝駟淑妻年二十六夫歿家貧奉舅姑孝能撫  
二子卒年六十九

林氏諸生蕭履祥妻年二十五夫歿事舅姑以孝聞  
劉氏吳開藻妻年二十一于歸七日而夫歿以姪爲  
後孝養老姑

林氏施鴻興妻年二十四夫歿事舅姑孝力撫幼孤

福建續志

卷六十五

列女七

十四

娶婦生二孫未幾兒媳相繼亡氏復撫孫守節五  
十餘年

陳氏張天續妻年二十二而寡守志撫孤事姑甚謹

陳氏王耀考妻歸十月而夫歿無子以姪爲嗣勤爲  
撫養

王氏劉文奮妻幼通列女傳女論語年二十四而寡  
事姑孝鞠子有成

謝氏彭棟妻年二十五寡孝養撫孤苦節以終

張次娘王進柄妻年十九夫歿撫孤年十八又夭取  
旁支爲嗣艱苦終身

蔡氏潘忠淑妻年二十四夫歿事姑孝撫二孤成立  
林添娘歸王子祿年二十九寡事姑撫子九十三卒  
林禮娘王士符妻年二十而寡家貧種藝自給鞠幼  
子及夫弟又夫叔老無所依氏迎養遂終事之如  
舅  
張任娘適白羅羅家貧客臺歿於海外子幼姑老氏  
偶乏告貸於兄兄勸他適遂終身不至母家日耕  
夜織備歷艱辛  
吳氏施方娘妻天死年二十矢志守節後舅歿夫之  
諸弟亦相繼逝氏一人任之生事死葬無不盡禮

福建續志

卷六十五

列女七

十五

傅氏李慎卿妻年十七夫歿守節教子雍正間 旌

祀節孝祠

林氏李際旻妻夫歿子培岳方九歲葬舅姑賑粥造  
橋著有功德及培岳娶妻陳氏尋又歿陳矢志撫  
孤併創立祖祠設祭田以承先志乾隆間 旌其

雙節

葉氏李文脫妻歸四載夫歿事姑撫子姑卒營葬三  
喪歲祀以禮乾隆間 旌

張稠娘潘元俊妻年二十三夫歿事翁姑孝撫子思  
光舉宏詞成進士任河南知縣乾隆間 旌

王氏諸生謝徽禊妻食貧守節九十三年卒

盧氏周昌獻妻年二十四而寡孝養舅姑撫孤成立  
守節六十餘年

洪氏林元蛟妻年二十夫亡撫育遺腹子守節六十年  
五年

蕭氏鄭可遷妻年二十夫歿事舅姑孝善撫幼孤守  
節四十年

洪氏器舍歸黃溥溥歿氏年二十五事舅姑孝撫二  
子成立

郭氏李清巽妻年二十七而寡撫孤育孫苦節四十

福建續志

卷六十五

列女七

十六

餘年六十七卒

溫納娘陳開艮妻年二十而寡家貧守志以節著  
張丑觀林謙觀妻夫早逝男又夭立姪爲後守節以  
終生平好施子人皆頌之

陳氏李延年妻年十三于歸十五夫歿無子姒氏舉  
次子請於舅姑爲嗣恩勤撫字

金氏邱鳳儀妻年二十五夫歿守志撫孤

陳默娘張士澤妻早寡子幼苦節五十五年

莊氏郭天賜妻年二十六夫歿姑老失明奉事惟謹

撫孤嚴慈兼至

陳氏王樹峩妻年十九而寡矢志不移撫遺腹男長成

劉錦娘林維謀妻夫歿年二十四孝事舅姑撫二子有成守節六十五年

彭氏年二十適謝由中姒歿遺二姪撫之如己子逾年姑與夫俱歿氏年二十七經營葬事撫子姪成立

葉氏陳立山妻年二十六而寡家貧孝事舅姑撫子岩修爲諸生

洪儀娘李毓榴妻事舅孝年二十八夫歿撫三子成

福建續志

卷六十五

列女七

十七

立

林氏蘇天隲妻年二十五夫歿善撫三孤

楊氏李啓正妻十九歲夫歿無子立嗣勤撫育之

林氏朱良弼妻年二十六夫歿孝事舅姑撫子璣癸

酉舉人

林氏 贈朝議大夫李鍾寧妾生子清標年二十三夫歿氏同嫡何氏黽勉撫孤清標舉於鄉官教諭

以上溪安

已經 旌表節孝

黃氏鄭可堦妻 施貞女 張氏莊延祝繼妻 王

氏郭岳妻 楊氏陳方嘉妻 許氏吳淵伯妻 林

氏黃士璉妻 粘氏黃紹策妻 王氏池繼澤妻

溫氏陳兆菁妻 黃氏蘇騰霖妻 黃氏陳向榮妻

黃氏曾承烈妻 陳氏黃琮妻 吳氏伍用舟妻

王氏劉啓碩妻 蘇氏鄭涵妻 曹氏陳聯元妻

林氏蔡奕樞妻 鄭氏楊思光妻 董氏周家李

妻 黃氏李璟廉妻 蔡氏黃元恒妻 許氏鄭汝

瑤妻 曾氏江子趾妻 洪氏柯士鼈妻 蕭氏顏

鼎儒妻 蔡氏李廷悅妻 駱氏曾元貢妻 吳氏

周元實妻 謝氏紀洛畿妻 賴氏蔡士震妻 蘇

福建續志 卷六十五 列女七 十八

氏吳維騏妻 李氏楊志瀚妻 林氏黃士璉妻

吳氏陳嶢思妻 李氏陳楸桂妻 李氏徐元恩妻

曹氏蔡天佐妻 邱氏顏廷椿妻 陳氏楊慶美

妻 吳氏陳維雅妻 李氏儒士蘇琛妻 黃氏儒

士紀大純妻 杜氏唐士芳妻 紀氏儒士陳士秀

妻俱乾隆間江許氏吳彰朝妻 李氏朱虎妻 陸

氏蔡雄達妻 謝氏潘鼎發妻 陳氏王貽玉妻

吳氏傅思樂妻 鄭氏戴隆齡妻 施氏楊從謙妻

林氏吳肇迎妻俱乾隆間南安王氏曾飛龍妻 周

氏陳良燦妻 黃氏仇毓正妻 連氏陳作梅妻

莊氏邱繼緒妻 黃氏莊維祿妻 魏氏張燦妻俱乾

隆間 惠旌 楊氏池源珍妻 黃氏李其文妻 柯氏

黃佐贇妻 張氏黃登泰妻 張氏莊允升妻 蔡

氏儒士馬簡授妻俱乾隆間 旌以上同安 王氏劉元桂妻 黃

氏唐邦拱妻 陳氏李培岳妻 王氏謝籌海妻俱乾

隆間 旌 以上安溪

未經 旌表節孝

張氏莊某妻 李氏吳士岳妻 王氏黃仰高妻

陳氏王錫晉妻 王氏林士聯妻 高氏吳元美妻

黃氏蔣階奮妻 陳氏吳元珪妻 鄭氏王大年

福建續志 卷六十五 列女七 十九

妻 曹望遠妻 陳氏媳王氏 楊氏黃繩武妻 王

氏許朝焱妻 陳氏馮師寬妻 黃氏蔡廷瓏妻

黃氏楊元琳妻 劉氏楊龍妻 黃氏洪世泗妻

顏氏許光輝妻 謝氏董德連妻 黃氏林元堤妻

以上 晉江 蘇氏黃秉忠妻 楊氏陳啓邦妻 魏氏張淑

全妻 郭氏鄭允桓妻 王氏張攸敘妻 黃氏戴

送瑛妻 黃氏戴彰加妻 陳氏林應春妻 侯氏

戴拔茅妻 林氏洪景瑞妻以上 南安 黃氏陳世及妻

陳氏王顏論妻 沈氏黃碩密妻 謝氏李清有妻

陳氏林日容妻 林氏王實妻 蔡氏陳天泰妻

許氏林維芳妻 蘇氏朱志權妻 李氏黃侯妻

李氏吳克明妻 馬氏黃世讀妻 洪氏陳啓興

妻 唐氏黃澤郎妻 廖氏林粹妻 顏氏黃章法

妻 陳氏吳際添妻 陳氏周世壽妻 劉氏王士

定妻 黃氏李志勗妻 鍾氏陳自省妻 王氏林

標獻妻 周氏程汝擇妻 楊氏王採妻 陳氏劉

珊妻 吳氏李變生妻 史氏陳鼎肅妻 張氏李

璠妻 施氏王秉玠妻 劉氏陳光遼妻 徐氏林

概妻 翁氏林佳葵妻 李氏莊荔瑛妻 李氏吳

懋節妻 康氏鄭廷樽妻 林氏陳得卿妻 吳氏

福建續志 卷六十五 列女七 二十

殷佑昇妻 謝氏吳廷進妻 劉氏趙秉儉妻 馬

氏李鍾男妻 康氏鄭世暹妻 龔氏陳某妻 葉

氏黃宏齊妻 高氏林鵬飛妻 楊氏林勤妻 張

氏李鍾畝妻 陳氏張萬生妻 張氏李清敬妻

張氏陳廷提妻 林氏陳光遇妻 黃氏林子肖妻

蔡氏李端妻 劉氏王君玉妻 唐氏王奕評妻

李氏陳鵬奮妻 馮氏詹司憲妻 王氏陳純修

妻 秦氏陳妙妻 李氏陳拱妻 胡氏張文穆妻

妻 蕭氏張文溫妻 林氏張鍾降妻 陳氏吳志騫

妻 陳氏吳焯芳妻 史氏李朝逅妻 陳氏王益

猷妻 趙氏林士許妻 陳氏王章燦妻 葉氏黃  
良郎妻 周氏王士廣妻 黃氏唐錫國妻 許氏  
施麟文妻 陳氏李學經妻 以上安溪

貞烈

林氏歐廷琰妻順治丁亥土賊入據衛城林率二女  
赴水死里中女從死者十餘人數日尸浮皆相抱  
持糾結不可解

楊氏監生陳豐哲妻康熙丁巳 大兵臨泉僞帥奔  
遁氏年二十四懷孕見迫義不受辱投井死

陳氏王材妻歸未幾材歿及葬舅又歿越四日縊死

福建續志

卷六十五

列女七

二十一

鄉人鳩錢以殮與材合葬以碑表之

陳開瑛莊允謙妻始婚夫病入門侍藥病篤籲天請  
代明年夫死毀簪珥治喪畢從容自縊其時里麥  
方秀忽變而枯

李氏陳允壯妻歸九載無子允壯歿誓不獨生族戚  
議立嗣子遂自縊死

鄭氏黃道扶未婚妻道扶訃至女卽投繯其母救甦  
延至數月復縊死

莊完娘林仰烈未婚妻仰烈歿女號哭不食從容自  
縊舅家迎柩合葬

謝勸娘吳寶廷妻事姑至孝時寇發寶廷爲鄉長哨及寇圍城盡遷鄉哨妻子入海至廈門旋令發配勸娘夜整衣北拜姑引帛自縊

卓恬觀黃德觀未婚妻夫歿恬觀年十七聞訃密服投縵卒

王貴娘陳國樞妻年十九夫歿絕粒十日不死自縊陳衍娘楊緝妻家寶蓋山前緝賈於外兩子一女俱幼強暴入其室欲污之氏力拒被毆死詹事陳萬策爲作傳

陳連觀劉士哲妻年十九于歸不數月夫歿氏哀號

福建續志

卷六十五 列女七

二十二

設祭祭畢入室自縊

有一二名劉乾官妻或

王氏施士魁妻年二十五夫歿無子不食七日自經死

蔡招娘曾兆傳妻忠毅道憲公孫女年二十四夫歿甫脫服絕粒七日投縵卒

王氏曾國翰妻歸四月國翰歿越三日自縊以殉某氏陳祿妻夫歿子幼舅欲奪其志入室自縊

許慈娘蔡迪愚妻事舅姑至孝年二十二夫歿臨穴欲殉父母舅姑止之以死自誓三旬奠畢鍵戶自經適父外出俟歸乃殮經暑五日顏色如生

陳氏曾伍興妻康熙戊午間海寇犯鄉氏被擄至吟  
嘯浦第四橋度不免乘間跳橋下死次日屍浮水  
上顏色如生衣裳不解鄉人異之  
林信娘李璇觀妻夫死無子投繯死  
施來娘許聘莊氏子未婚夫死聞訃自縊  
王梓娘林汝楚未婚妻汝楚歿後一日絕粒閉戶自  
經年僅十七  
王氏諸生施嘉惠未婚妻嘉惠鄉試歿於福州氏年  
十七卽奔喪孝事舅姑至嘉惠小祥日縊柩側家  
人合葬以夫姪繼其嗣

福建續志

卷六十五

列女七

二十三

王氏施世儀妻嫁六年夫歿絕粒七日梳洗縊棺側  
陳氏姚意使未婚妻父母嫌貧悔婚氏死之郡判陳  
疇九作詩以旌

吳惜娘黃斌美未婚妻美卒惜娘奔喪乞夫姪爲嗣  
事舅姑孝後嗣子長娶婦遂投繯卒

陳氏周日陞妻年二十一夫歿絕粒三日梳櫛自縊  
徐懿娘許字永春黃成霖未婚成霖歿氏年二十聞  
訃自經兄元輔爲殯殮合葬自是連月不雨郡守  
劉侃致祭表廬乃雨雍正間旌

王氏給諫王命岳孫女林彥中妻年二十出嫁花燭

之夕彥中陡病將卒王氏哭曰死吾分也□□□  
能爲立後乎諾之臥柩側足不踰闕逮夫弟舉果  
立爲嗣遂絕粒顧諸妣曰善撫此孤瞑目而逝  
林氏千總王祿妻年十八于歸祿調臺灣千總病歿  
柩歸之日氏出郭哭奠越日再祭歸投縵死乾隆  
間 旌 晉以上  
陳氏吳肇焯妻年二十一夫歿以幼子囑姑投縵卒  
傅氏黃攀妻夫歿立姪爲嗣於小祥日從容自縊  
傅氏許字貢生吳而升子父移家臺灣被累見收女  
年十五投入陳某家陳妻劉憐女無辜善護之女

福建續志

卷六十五

列女七

二十四

恐見辱矢志必死偵室中無人惟舊媪張在側與  
之語愴然淚下旣而脫耳環授媪曰已矣媪出遂  
投縵死

蔡漸官伍敬祖妻年二十二夫歿自縊尸側

吳氏儒童傅思樂未婚妻夫亡殉節乾隆間

旌 以上

安南

鄭氏王汝妻順治十三年被寇掠過洛陽橋投江死  
越日屍出顏色如生

林氏張榕妻婚二載有娠而夫遠客不返海寇寢發  
城陷寇入門奪其子遂與娣莊氏同縊

黃氏王錫祉妻夫病經年湯藥罔懈及夫死三日後

自縊以殉

前志載王錫祉妻張氏續載以張黃疑  
有一悞今據府志續載以張黃疑

張氏陳孫思妻幼讀書識大義歸未久夫歿卽投井  
家人救免誓爲立嗣丙辰有寇患氏呼兄與決題  
壁云獨守冰霜十二秋因將嗣繼忍身留乾坤此  
際應裁決免使貞魂劍下休遂投繯而死

陳氏張亮妻亮歿越二日縊死邑令田廣運匾以旌  
之

劉氏陳毓妻毓歿七日自縊死

黃氏薛得華未婚妻夫歿氏年二十一奔喪守貞舅

福建續志

卷六十五 列女七

二十五

姑爲立嗣氏竭力奉養孝道無缺三年姑亡氏哭  
之慟遂不食七日死

黃氏薛榮未婚妻榮歿誓死靡他越三年姑亡治喪  
畢不食死

陳珠娘乾隆間 旌建坊入祠

陳外娘乾隆間

旌建坊入祠

二條載府志而事  
實未詳今仍之

義娘失其氏鷺島人也及笄遭寇擄以頭觸石幾碎  
行至東嶽投道旁井而死其後鄉人蘇貴夢見一  
女子曰吾屍陷井中君能出痊之當厚報掘井果  
見白骨以素練衣裹之毛髮森然及葬素俱化爲

水鄉人異之爲立祠於墳曰義娘祠井曰義娘井  
有病者得井水飲卽愈凡水旱災祲邑令竭誠往  
禱無不立應

觚載義娘王姓

莊氏黃興妻興習優時或寄餘資付氏爲事翁之費  
翁歿氏賣薪市棺不給泣貸富家期夫歸償之及  
夫病客所求夫之中表幼弟偕行覓夫夫歸卒氏  
悉出敝衣殘器以償負者服藥而死鄰人殮而合  
葬焉

李氏諸生劉宗道妻宗道爲寇所掠并執氏氏不肯  
上馬被裂死至今西源人祠之

福建續志

卷六十五

列女七

二十六

昭娘失其姓王對妻對以舟覆死昭娘設奠週七七  
沐浴更衣自縊

張氏陳氏子未婚妻年十九夫歿奔喪事舅孝更十  
年嗣子弗類嘆曰吾望絕矣遂自經

盧氏林睿未婚妻夫歿請奔喪母不許乃絕粒自製  
喪履履成適議婚者至遂自經年十八

施姒娘莊時悅未婚妻時悅卒痛不欲生格於父母  
不得奔喪踰年父母議改適密囑鄰婦引至夫家  
拜舅姑請爲夫立後舅姑哀其意爲置繼嗣閱九  
年嗣子漸長遂自經

黃業娘池繼英妻夫歿無子以兄幼子爲後氏卽欲  
殉舅勸之撫孤無何舅卒孤殤氏勤女紅以償夫  
所負債遂服藥而死年三十二

周潤娘林君發妻舉人周鶴山女嫁半載夫歿持服  
哭奠如禮旣卒哭遂絕粒而死

黃氏余興世妻歸二年生子夫歿孤繼殤遂自經死  
彭京娘蔡君坦妻歸三載未有子夫歿殯葬臨窆將  
殉家人救起嚴防之京娘朝夕奉奠如常一日晨  
起出汲佯仆帶濕衣入室更衣閉戶自縊

蘇徧娘葉鳳啣未婚妻鳳啣卒與母豫定死期自製

福建續志

卷六十五

列女七

二十七

衣服請舅姑至家拜訣囑以攜柩合葬爲夫立後  
囑畢從容投繯死時年二十

周姜娘陳植璧未婚妻植璧歿聞訃慟絕將殉其母  
防之甚周閱八月值其母歸寧乘間投井死

以安上同

亡名氏女順治初寇掠鄉村氏被逼不從寸磔而死

相傳此女爲林家婦而失其姓氏

林氏楊淑春妾晉江人淑春贅林家十日回安溪再  
來病氏侍側不解帶交睫者數夜逼除復歸家明  
歲歿而未訃氏猶祈以身代及訃至掩袂哭不成  
聲入室縊死楊家迎柩與淑春合葬時年二十二

吳氏陳宗佐妻里民黃偏強污不從氏忿自縊乾隆  
間 旌

李氏藍國圃妻總兵日煜女歸三月夫卒絕粒七日  
外家往視強起縞素拜辭舅姑曰婦人應從一而  
終閤扉奄忽而逝年僅二十二

詹京娘高洛未婚妻父母早亡依其叔洛久客不還  
舅姑許改嫁氏守義不移待字二十載聞洛卒投  
溪而死

林氏王熙載妻年二十夫歿不食數日卒

林素娘白元暢妻年二十一夫歿撫姪爲嗣七歲而

福建續志

卷六十五

列女七

二十八

天慘慟自縊家人救甦防稍懈整衣復縊卒

鄭氏李濃雲妻未婚夫病危氏年十九往侍藥閱月  
夫歿哀慟而殞

田快英林鳳妻年二十夫歿七日從容自盡乾隆年

間

旌

以上  
安溪

張氏李漢世妻 王氏陳白舍妻 謝氏胡廷鐘妻

莊氏胡廷鐘妾 王氏魏德峻妻 陳氏黃廷珪

妻 陳氏黃嗣烈妻 張氏王浯觀妻 何氏黃卹

妻 林氏黃于縉妻 林氏張璟妻 何氏張學衝

妻 王氏何家駮妻

張氏李滿妻

一人作張氏李一璠

是二並考  
存備  
胡氏何斌觀妻  
楊氏曾一禎妻  
陳氏朱

瑞璧妻  
林氏張老妻  
何氏諸生張翔妻  
張氏

舉人陳正陞未婚妻  
唐氏黃某妻  
洪氏王某妻

按以上皆惠安雍正年間未成志稿所載貞

烈之未經立傳者今依府志存之以俟攷

福建續志

卷六十五

列女七

二十九

福建續志卷六十五終